

ERA CRASTA

Numerò 16 · juriòl 2002

Impresi sense adreça

Acòrd entre er Ajuntament e eth Ministèri de Defensa.

En Plen der Ajuntament de Vielha, celebrat eth passat dia 8 de junh s'aprovèc eth Convèni a subscriüer damb era Gerencia de Infraestructura y Equipamiento de la Defensa, Organisme Autònom deth Ministerio de Defensa e er Ajuntament de Vielha -Mijaran, que hè referéncia ara finca der Acuartelamiento de la Compañía de Esquiadores y Escaladores en Vielha.

Er objectiu d'aguest convèni per part der Ajuntament ei era obtencion de solèr que permete dotar eth pòble d'equipaments publics, e per part deth Ministerio de Defensa, era obtencion de recorsi de besonh tà hèr viable eth desenvolopament des Plans d'Inversion des Fòrces Armades, hènt compatibles aguesti besonhs damb eth planejament urbanistic.

Era signatura d'aguest convèni se hec eth passat dia 12 de junh en Madrid, e coma conseqüència d'aguesta signatura se metec a aprobacion deth Plen era modificacion puntuau num. 40 des Normes Subsidiàries e Complementàries de Planejament dera Val d'Aran, relatiua ar àmbit d'aguesta finca, tà poder classificar eth solèr coma apte tà urbanizar.

Tanben s'aprovèc iniciuament eth Plan Parciau que regularà es condicions urbanistiques d'aguest airau.

Er Ajuntament de Vielha-Mijaran a previst destinar aguest terren ath bastiment d'ua plaça, damb un parcatge sosterran tà coches, un airau verd e un airau tà equipaments, atau coma era urbanizacion de tot er airau que permeterà era creacion de 150 places de parcatges exteriors e era conexión d' aguesta part damb Eth Solan a trauèrs d'un nau pònt
D'aute biais, eth Ministèri de Defensa s'a sauvat 3.000 m2 enes quaus i plaçaràn 90 viuendes, eth bastiment des quaus gesserà a subasta publica.

Melhores en CEIP "Deth Rosèr" d'Aubèrt

Er Ajuntament de Vielha-Mijaran a aprovat un convèni damb eth Departament d'Ensenhament dera Generalitat de Catalonha tà realizar es òbres de substitucion de hièstres e condicionament de desaigües en CEIP Eth Rosèr d'Aubèrt.

Er impòrt des trebalhs ei de 24.040,48 Èuros des quaus era Generalitat de Catalonha a trauèrs deth Departament d'Ensenhament aprotarà era quantitat de 12.020,24 Èuros, en tot hèr-se cargue dera auta part er Ajuntament de Vielha e era Entitat Municipau Descentralizada d'Aubèrt.

S U M A R I	1	Acòrd entre er Ajuntament e eth Ministèri de Defensa. Melhores en CEIP "Deth Rosèr" d'Aubèrt
	2	Jordi Pujol en Vielha Piscines de Gausac
	3	Eth Trenet Plaça de Tecnic d'Auxiliar de Biblioteca Corsa des 15 Pòbles Era Naua Carpa
	4	Exposicion es Uelhs d'Aran Nau abonaments en Palai de Gèu Agenda Culturau

Jordi Pujol en Vielha

Eth passat dia 15 de juriòl se Inaugurèc era Vau. edicion des Jornades Universitàries Occitanocatalanes, entot condar damb era preséncia deth Plan Auble President dera Generalitat de Catalunya, Sr. Jordi Pujol. Profitant era sua estada en Aran, eth President visitèc er Ajuntament de Vielha, a on siguec recebut per Alcalde, ès Còssos, e pes Presidents e Vocaus des Entitats Municipaus Descentralizades deth Municipi de Vielha-Mijaran.

D'aute biaís, cau remèrcar er èxit artenhunt ena inauguracion des Jornades, pendent era quau er acte centrau siguec era conferéncia que damb eth títol "Era Identitat des pòbles: present e futur", dèren conjuntament eth Magnífic Sindic d'Aran, Sr. Carlos Barrera, eth Plan Auble President dera Generalitat Sr. Jordi Pujol, e eth Lehendakari deth Pais Basc, Sr. Juan Jose Ibarretxe.



Piscines de Gausac

A compdar deth dia 1 de juriòl se dauriren es piscines municipaus de Gausac, e tanben eth plaç tà qu'es vesins de Vielha-Mijaran poguen hèr er abonament corresponent.


Eth projècte de melhora d'aguestes piscines, comencèc er an passat en tot climatizà-les, e coma nauetat, enguan podem destacar era ampliacion der airau verd e era supression de barrères arquitectoniques, en tot bastir ua rampa d'accès tà minusvalids.

Era data de dubertura serà der 1 de juriòl enquiath 31 d'agost, e er orari de 11,00 a 19,00 or, e es prètzi seràn:

- Infantil de mens de 6 ans Gratuït
- Infantil de 6 a 13 ans 1,40 Èuros
- Adult de 14 a 64 ans 2 Èuros
- Adult a condar de 65 ans 1,40 Èuros
- Loguèr de cagires longues. 1 Èuro

Tàs que volguen auer un abonament de tempsada, eth prètzi ei de 14 Èuros tàs mainatges de 6 a 13 ans, e de 20 Èuros de 14 a 64 ans. Era sollicitud d'aguesti abonaments la poderatz hèr en Ajuntament de Vielha-Mijaran de deluns a diuendres de 09,00 a 15,00 or. e ei de besonh:

- Èster empadronat en municipi de Vielha-Mijaran.
- Dues fotografies de mesura carnet.
- Comprovant der ingrès efectuat ena Caixa de Pensions dera Avda. Pas d'Arró en núm 2100-0035-01-0200313146.



Eth Trenet

A compdar deth dia 8 de junhsèga comencèc a foncionar nauament pes carrèrs de Vielha, ETH TRENET.

Ei un tren toristic damb eth quau se preten hèr a conéisher era vila de Vielha, entot passejà-si, e a on se balhe ua explicacion tant dera vila de Vielha, coma de tota era Val d'Aran

Er orari de foncionament ei: De deluns a dimenges de 11 a 14 e de 17 a 21.

Plaça de Tecnic d'Auxiliar de Bibliotèca

Eth passat dia 10 de juliòl, se heren es pròves de seleccion per concors oposicion tà curbir era plaça de tecnic auxiliar de bibliotèca convocada pèr Ajuntament de Vielha-Mijaran, as quaus se i presentèren un totau de 8 candidats.


Realizades es pròves de coneishements administratiu, coneishements especifics de bibliotèca, lengua catalana e aranesa e valoracion de merits, er aspirant seleccionat peth tribunau a estat Francisco Javier Gutierrez Riu.

Era finalitat principau dera creacion d'aguesta plaça a estat era de dar supòrt e dinamizar era bibliotèca, tà poder organizar e realizar activitats tant entà mainatges coma tà grani.

Era Naua Carpa

Toti es qu'anèretz tara Hèsta de Sant Pèir en Escunhau vedéretz qu'enguan eth balh non siguec cap en locau abituau, senon que se hec en ua carpa naua, plaçada en pati der estudi.

Aguesta carpa a ues dimensions de 30m2 X 10m2, e a estat comprada per Ajuntament de Vielha e pes Entitats Municipaus Descentralizades d'Escunhau e Casarilh, Casau e Vilac.



Corsa des 15 Pòbles

Eth dia 1 de seteme se celebrarà era "VI CORSA E CAMINADA DE MONTANHA DES 15 PÒBLES"

En aguesta edicion i aurà tres opcions tara caminada, 21, 16 o 14 Km.

Parallèlament se desvoloparà era III CORSA INFANTIL de 5 Km.

Tà toti aqueri que i volgatz participar, era inscripcion la cau realizar abantes deth dia 29 d'agost en tot hèr un ingrès de 9 Èuros ena Caisha deth Penedes 2081 0364 07 0000006637, e un còp hèt eth pagament cau enviar ua còpia deth resguard per fax a Torisme Val d'Aran 973 64 30 60.

Es inscripcions realizades eth dia abantes dera corsa auràn un increment de 3 Euròs.

Tà mès informacion podetz trucar tàs Telf. 606 11 35 48 o ben 973 64 24 69

Exposicion es Uelhs d'Aran

Eth passat dia 23 de junh s'inaugurèc era exposicion "Es Uelhs d'Aran" ena Glèisa de Sant Joan d'Arties.

Aguesta exposicion, ena quau se pòt contemplar un centenar de fotografies de gent grana de mès de 80 ans e es sues viuences, a estat organizada pera Fondacion Etnologica dera Val d'Aran e se poderà visitar enquiath dia 15 de seteme.

Agenda Culturau

Dia 25 de juliol

Concèrt de musica de cramba
Vielha 22,00 or.
Hèsta Major de Sant Jaime
Casau e Arties
Dances Tradicionaus-Còlha de Santa Maria da Mijaran
Arties 19,00 or

Dia 26 de juliol

Romànic Musicau- Concèrt de guitarra e violoncèl
Bossost 22,00 or.

Dia 27 de juliol

Dances Tradicionaus- Es Corbilhuèrs de Les
Bossost 22,00 or.

Dia 28 de juliol

Concèrt de guitarra
Salardú 22,00 or.
Tardes de Gresca - Animacion Infantil
Salardú 17,00 or.
Tardes de Gresca - Animacion Infantil
Vielha 19,00 or.

Dia 29 de juliol

Clausura deth Cors Internacionau de Musica
Vielha 20,15 or.

Dia 1 d'agost

Hèsta Major de Sant Fèlix
Vilac , Bagergue
Dances Tradicionaus - Es Fradins de Vielha
Bagergue 19,00 or.

Dia 2 d'agost

Romànic Musicau - Concèrt de Vriolin
Tredòs 22,00 or.

Dia 3 d'agost

Tardes de Gresca - Animacion Infantil
Les , Baquèira.

Dia 4 d'agost

Concèrt Orquèstra Sinfonica Julia Carbonell
Vielha (orari per confirmar)

Dia 5 d'agost

Hèsta Major Ntra. Sra. Des Nhèus
Betlan , Baquèira

Dia 8 d'agost

Concèrt d'òrgue - Oscar Candendo
Vielha 22,00 or.

Dia 9 d'agost

Romànic Musicau - Trio de còrda e guitarra
Bossost 22,00 or.

Dia 10 d'agost

Hèsta Major de Stt. Laurenç
Mont

Dia 11 d'agost

Tardes de Gresca - Animacion Infantil
Bossost, Vielha

Dia 14 d'agost

Mercat Nocturn
Salardu

Dia 15 d'agost

Dances tradicionaus - Es Fradins de Vielha

Gausac 19,00 or.
Hèsta Major de Santa Maria
Gausac, Bossost, Vila, Vilamòs
Mercat Nocturn
Baquèira

Dia 16 d'agost

Hèsta Major de Sant Ròc
Bausen, Gausac, Garòs, Begòs
Romànic Musicau - Trio guitarra, flauta e soprano
Unha 22,00 or.
Mercat Nocturn Les
Dances Tradicionaus - Còlha Santa Maria de Mijaran Garòs
19,00 or
Dances Tradicionaus - Es Corbilhuèrs de Les
Bausen 22,30 or.

Dia 17 d'agost

Mercat Nocturn Vielha
Dances Tradicionaus- Còlha Santa Maria de Mijaran
Les 22,00or.

Dia 18 d'agost

Tardes de Gresca - Animacion Infantil
Les, Baquèira
Mercat Nocturn Bossost
Dances Tradicionaus - Es Fradins de Vielha
Vielha 20,00 or.

Dia 20 d'agost

Concèrt d'òrgue - Izumi Kando
Vielha 22,00or.

Dia 23 d'agost

Romànic Musicau - Concèrt de violoncèl e vriolin
Les 22,00 or.

Dia 24 d'agost

Dances Tradicionaus - Es Fradins de Vielha
Era Bordeta 13,00or
Dances Tradicionaus - Es Sautarèts de Bossost
Salardú. 20,00 or.
Trobada d'acordeonistes deth Pirinèu
Les 22,00 or.

Dia 25 d'agost

Tardes de Gresca- Animacion Infantil
Arties , Vielha
Dances Tradicionaus - Còlha de Santa Maria de Mijaran
Vielha 20,00 or.

Dia 28 d'agost

Hèsta Major de Sant Agustin
Arró
Hèsta Major de Sant Julian
Garòs
Dances Tradicionaus- Es Sautarèts de Bossost
Arró 19,00 or.

Dia 29 d'agost

Dances Tradicionaus - Es Sautarèts de Bossost
Arròs 19,00 or.
Hèsta Major de Sant Joan Bautista
Arres, Arròs e Canejan.

Dia 30 d'agost

Romànic Musicau - Vriolin e viola
Arties

Dia 31 d'agost

Dances Tradicionaus - Es Corbilhuèrs de Les
Canejan 22,30 or.